

■ Presoak gose greban Valdemoron funtzionarioen jarrera salatzeke

MADRILGO Valdemoro espetxean dauden euskal preso politikoak gose greba hasi dute funtzionarioen jarrera gaitzesteko. Senideek jakinarazi dutenez, Valdemoron aspaldian tentsio giroa da nagusi. Hala, joan den asteburuan funtzionario batek Jorge Gonzalez presoari muturreko bat eman zion, heriotza mehatxuez eta irainez gain. Orduan moduluko beste euskal presoek patiora jaitsi eta hainbat kristal apurtu zituzten. Hori dela-eta, isolamenduan daude. Gertaeraren berri izan ostean, Valdemoroko euskal preso guztiek gose greba hasi dute. X

■ Joseba Alvarez mahaikidea Soto del Real espetxera eraman dute

ATZO arte Martuteneko espetxean zegoen Joseba Alvarez Mahai Nazionalako kidea Madrilgo Soto del Real espetxera eraman dute. Alvarez otsailaren 26an epaituko dute Entzutegi Nazionalan eta hori izan da espetxez aldatzeko emaniko arrazoia. Alvarez Y talde deitutako inguruko aferaategatik epaituko dute. Afera berean Esther Agirre Mahai Nazional berriko kidea ere epaituko dute. X

■ Mediku azterketa egiteko Idigoras espetxetik gaur ateratzeko eskatu du epaileak

ESPETXE zaintzako Ruth Alonso epaileak Jon Idigoras espetxean dagoen Mahai Nazionalako kidea gaur bertatik atera dadila eskatu du, Bilboko Klinika forentsean azterketa egin diezaioten. Abokatuak 92. artikulua eskatu dute Idigorasentzat arnasa hartzeko zailtasun handiak ematen dizkion gaitz sendaezina duelako. Eskaera horren berri jakin ostean hau da Ruth Alonso epaileak egiten duen lehen ekinbidea. Idigoras Basauriko espetxean dago abendutik. X

■ Begoña Sagarzazu preso pasaitarra aske geratu da

BEGOÑA SAGARZAZU Pasai Donibaneko (Gipuzkoa) preso aske geratu zen atzo ia hamar urte eta erdi espetxean igaro ondoren. Sagarzazu 1987ko urrian kartzeleratu zuten, eta 1993an bete zituen zigorraren hiru-laurdenak; beraz, ordutik aske beharko luke. Urte hauetan hainbat kartzela ezagutu ditu, hauen artean Pontevedra, Tenerife eta Jaen besteak beste, eta orain arte azken horretan zegoen. Gaur iritsiko da Sagarzazu Pasai Donibanera. X

Ibon Arbulu udalbatzarretik at utzidute presoan argazkia agertzeagatik

«Eskaria ez da iraingarria, baina batzarra oztopatzen du», alkatearen ustez

Euskal presoak Euskal Herrira ekar ditzatela eskatzea iraingarria ez dela eta EAJ eskari horrekin bat datorrela adierazi arren, presoan argazkien karteltxoak zezala agindu zion Josu Ortuondok HBko zinegotziari, batzarraren bilakaera oztopatzen zuelako. Eskariari uko egin eta kartela PPko zinegotziei erakutsi ostean, Arbuluk ez zuen batzarrean sartzerik izan.

Iñaki Uriarte / Bilbo



Ascension Pastor eta PPko beste zinegotzi bat udal batzarretik alde egiten, presoan karteltxoak jarrita zegoelako. Ibon Arbulu HBko zinegotzia ageri da atzean, baita karteltxoak ere.

XOUSE SIMAL

bat ipini ala kentzea ahalbideratu edo debekatzen duena. Idazkariak oroitarazi zuen arautze hori batzar horretako 70. puntua onartzekotan finkatuko dela, baina ez lehenago.

PP eta PSE-EEko 11 zinegotziek ere alde egin ondoren, 15 geratzen ziren barruan; alkateak batzarra eten eta bozeramaileen bilerara deitu zuen. Horren ostean Ortuondok tarte luze bat hartu zuen erabakia hartzeko, baina haren ordezkariak beste bilerara batzartu eta prentsaurrekora deitu zituen.

«Kartela ez da iraingarria» • Josu Ortuondok eskaini zuen prentsaurrekoan azaldu zuen presoak Euskal Herrira ekar ditzatela eskatzea ez dela iraingarria, EAEko Parlamentuak berak 1996ko urriaren 3an eskari horrekin bat egin zuelako. Bilboko alkateak azaldu zuen berak eta EAJk bat

egiten dutela eskari horrekin. Hala eta guztiz, EAJ alde batera utziz, zinegotzien gehiengo osatzen duten PP eta PSE-EEren ustez 11 zinegotzi saioaren bilakera arrunta oztopatzen duela nabarmendu zuen. HB, IU, Talde Mistoa eta ICV-9 zinegotzi iritzi horren aurka agertu ziren. EAJk, gehiengoarekin bat eginez, kartela mahaitik kentzeko eskatu zion Arbuluri, eta hark ezetz esan ostean udaltzain bik kendu zioten.

Batzarrari bigarren aldiz ekin zioten, kartelik gabe, eta HBko zinegotzia bere kexua azaltzen ahalbidetu zen alkateak hitza kendu zion arte. Orduan HBko zinegotzia zutitu eta PPko zinegotzien aurrean jarri zen kartel beraren beste kopia batekin. Une horretan batzarra bigarrenetaz eten eta aretoa husteko agindu zuen alkateak.

Arbuluk ez zuen berriz batzar aretoan sartzerik izan. Alkateak berriro deitu zuen saio publikora,

baina Polizia eta kazetariak besterik ez ziren sartu. Izan ere, bilerraren hasiera pankarta batekin espero zuten langabetuek ez baitzuten udaletxeko atetik pasatzeko modurik izan.

HBk lotsagarria dela uste du • Ibon Arbuluren iritziz, gertakizun larria da atzokoa. «EAJ berriro ere makurtu egin delako PP eta PSO-Eren kapritxoetara». Bost hilabetez jarraitutako prozesua bertan behera utzi izana eta EAJk oraindik arautu gabe dagoen erabaki bat ezarri izana gaitzetsi zuen.

Bestalde, Ascension Pastor PPko zinegotziarentzat nabarmena zen alkateak kartela kenarazi behar zuela, arautu gabe dauden gauza ugari otu dakiekelako HBkoei. Arautu gabekoak onartuz gero, berak barbakoa bat eraman eta osoko udalbatzarrean sardina batzuk erreko dituela esan zuen. X

Adostasuna berreskuratzen ez bada Ajuria Eneko Mahaia laster batean desager daitekeela esan du Ardanzak

■ Joseba Egibarrek dio jeltzaleak ez direla joango Madrilgo Itunera, ezer gutxirako balio duelako

Agentziak / Bilbo-Madril

ALDERDI demokratikoek indarkeriaren inguruan adostasuna berreskuratzen ez badute Ajuria Eneko Mahaia desagertzeko arriskua ikusten duela adierazi zuen atzo Jose Antonio Ardanza EAEko lehendakariak. «Eraiki ditugun akordio guneak, Ajuria Eneko Mahaia adibidez, laster desagertzeko benetako arriskua dago» azaldu zuen lehendakariak Bilbon. Berak hori gertatzea eragotzi nahi duela esan zuen, «izan ere, arazo honi ez badiogu ados-

tasunean oinarritutako irtenbidea ematen, denbora asko bizi beharko dugu berarekin». Azken bolada honetan egiten ari den elkarriketen bitartez berriz ere batasuna lortzea duela helburu adierazi zuen lehendakariak, «arazoaren konponbidera eramango gaituzten irtenbideak biltzea». Bere ustez, «indarkeriaren inguruko polemikak ez du esan nahi indarkeriaren kontra edo bakearen alde konprometuz ezberdina izatea».

Ardanzaren adierazpenei erantzunez, Jaime Mayor Oreja Espai-

niako Barne ministroak esan zuen Ajuria Eneko Ituna EAEko «bategite puntu handienetako bat» dela, eta zera gaineratu zuen: «Ahalegin guztiak egingo ditugu mahai horiek guztiak eror ez daitezkeen». Ministroaren irudikoz, «Ajuria Eneak bere baitan du balioa» eta gizarteak esparru horren baitan akordioa izan dadila eskatzen du, «horregatik iraungo du arazo eta oztopoen gainetik».

PPren eta EAJren arteko ikamika ez da eten, eta horren adierazgarri izan zen atzo Joseba Egibar EAJko bozeramaileak esan-

dakoa. Madrilgo Itunak ezer gutxirako balio duela adierazi zuen, eta bere alderdia ez dela Madrilgo bake mahaiaren bilerara joango esan zuen. «Ituneko azken bilerrak ministerioak eramaten duen informazioa komandoei buruz eta izaten da. Horretarako hobe da arduradun polizia biltzea», esan zuen. EAJk presoan gaia Europara eramatea erabaki ondoren Mayor Orejak eginiko adierazpenengatik sortu zen polemika, eta Anasagastik esan zuen ministroak esandakoak zuzentzen ez baitzuten ez zirela itunera joango. X